

Sesiwn alw heibio i weld cynlluniau ysgol Gymraeg newydd



Bydd y cynlluniau ar gyfer yr ysgol Gymraeg newydd sydd yn yr arfaeth yn Hwlfordd ar gael i'w gweld mewn sesiwn alw heibio ar ddydd Mawrth, 20^{fed} Medi.

Bydd y sesiwn yn digwydd o 3pm i 6.30pm yn Archifdy Sir Benfro, Prendergast, Hwlfordd, SA61 2PE.

Cafodd yr ysgol gymeradwyaeth statudol gan Gyngor Sir Penfro ym mis Gorffennaf 2016. Bydd pwyllgor cynllunio'r Awdurdod yn trafod cais cynllunio llawn ar 4^{ydd} Hydref.

Bwriad y sesiwn alw heibio yw rhoi cyfle i bawb sydd â diddordeb yn yr ysgol weld y cynlluniau, holi swyddogion a gwneud unrhyw sylwadau.

Byddai'r ysgol yn cael ei lleoli ar Ffordd y Llwyn Helyg gyda'r bwriad o ddarparu addysg Gymraeg i blant rhwng 3 ac 16 oed, yn ogystal â Chylch Meithrin, gyda mynedfeydd ar wahân ar gyfer y gwahanol grwpiau oedran.

Y nod yw creu amgylchedd dysgu sy'n ateb gofynion ysgolion yr 21^{ain} ganrif, a darparu addysg Gymraeg ddi-dor i blant yn Sir Benfro o gyn ysgol i Flwyddyn 11.

Mae'r cais cynllunio ar gael i'w weld yn www.pembrokeshire.gov.uk/planning (Ceisiadau Cynllunio / Chwilio am Gais Cynllunio / cyfeir-rif 16/0446/PA)

Geiriad

Bydd cynlluniau ar gyfer ysgol Gymraeg newydd Hwlfordd ar gael i'r cyhoedd eu gweld ar 20^{fed} Medi.